

# *ANANKIRAY AMIN'NY*

## *IRAY TAPITRISA*



Misaotra anao, rahalahy. Misaotra anao, Rahalahy Shakarian.

Ary manao ahoana, ry sakaiza. Tsara tokoa ny tonga eto Los Angeles indray izao maraina izao, mialohan'io favoriana lehibe io, ary ilay favoriana ho avy amin'ity herinandro ho avy ity ao amin'ny Embassy Hotel. Manantena ny hahita anareo rehetra any aho. Ary eo ambanin'ny fiandrasana lehibe iray isika mba hihaona amin'i Jesosy Tompontsika, hahita Azy any. Izy no nampanantena fa ho any Izy. "Na aiza na aiza iarahan'ny roa na telo miangona," dia ho any Izy.

<sup>2</sup> Ary azoko antoka fa nihaona Taminy aho izao maraina izao raha niakatra ny tohatra tato amin'ity efitra malalaka ity, rehefa ny olona rehetra miaraka amin'ny fanantenana lehibe, no miandry an'ilay sakafo maraina sy ny fitenenana. Ary tsara ny tafangona eto miaraka aminareo, sy ilay mpihaino amin'ny radio. Tena betsaka ny ato, izy ireo dia...tsy maintsy nidina tao amin'ilay rihana manaraka aho, ka niresaka tamin'ny vitsivitsy. Ary nahita fangatahana maro be aho, aretim-po, sy aretina samihafa an'ny vatan'izy ireo, ka eto isika ankehitriny hivavaka ho an'ny marary sy ny ory.

<sup>3</sup> Raha vao tonga teo an-tampon'ireo tohatra fotsiny aho... Mijery an'ilay lehilahy antitra mihaja aho ankehitriny. Nanatona ahy izy, ka nanao hoe, "Rahalahy Branham, taona maro lasa izay..." Nilaza izy fa nanana aretim-po tena ratsy tokoa hany izy ka...nihevitra izy ireo fa ho faty izy. Dia nangataka vavaka ho azy, ary ny fahasoavan'Andriamanitra no nanasitrana azy. Ary indro izy eto izao maraina izao, tena ao amin'ny faha-valopolo taonany, mifaly fotsiny. Koa izany dia manao antsika handray fanantenana vaovao.

<sup>4</sup> Ary ankehitriny aho dia mangataka tokoa ny vavak'ireo olona ao amin'ny fihainoana radio, tahaka ny eto koa. Aorian'ny handaozako an'ity favoriana ity, dia handeha any Eoropa aho, hatrany Afrika sy ny manodidina, ho an'ireo favoriana. Ary izany dia handeha amin'ny alàlan'ny fahitana iray, noho izany dia ho favoriana lehibe iray ilay izy any, azoko antoka. Ary tsapako nandritry ny taona maro fa ny Tompo no nila ahy hiverina. Ilay asam-panompoana manetry tena kely, manetry tena izay Nomeny ahy, tsy mihevitra aho fa efa Vitany tanteraka ilay izy, tany. Toy ny hoe mety misy fanahy iray izay mety ho azoko ao amin'ny haraton'ny Filazantsara any ho any, ilay

anankiray izay Nomeny ahy handratoana olona, ilay fanao ao amin'ny fanasitranana avy amin'Andriamanitra, mivavaka ho an'ny marary. Ary mangataka tokoa ny vavakareo aho, ianareeo olona eto sy ireo izay any ivelany ao amin'ny fihainoana radio.

<sup>5</sup> Tsy manam-potoana hakana lahateny iray sy hotoriana mihitsy aho, izay antenaiko afaka minitra vitsy ato amin'ny—ato amin'ny...ity efitra malalaka ity, fa hiresaka fotsiny amin'ny—aminareeo fotoana vitsy, mba hifankahafantatra. Ary ho an'ireo olona any amin'ny firenena, dia hanao vavaka ho azy ireo any aho, avy hatrany, ary ianareeo eto koa. Koa faly tokoa aho mihaona amin'ireto sakaiza vaovao mahafinaritra ireto izay tsy mbola hitako mihitsy tany aloha, vao avy nifandray tamin'izy ireo izao maraina izao.

<sup>6</sup> Efa nanana fotoana lehibe izahay tao amin'ireo fivoriana tany amin'ireo toeran-kafa. Tsy mandeha any ivelany be loatra intsony aho, tena betsaka ny hatao. Miezaka fotsiny izahay manohy amin'ilay lèlana mahamay eo anelanelan'i Jeffersonville, Indiana sy Tucson, Arizona, izay nifindranay tany taona vitsy lasa izay, tamin'ny alàlan'ny fahitana iray avy tamin'ny Tompo, izay nandefa anay tany, ihany koa, tsy nahafantatra hoe ho aiza aho. Ary maro aminareeo eto, ato amin'ny an'ny Clifton, niresaka kely taminareo aho talohan'ny niaingako, ary tao amin'ny fivoriana tany Phoenix, ny amin'ny fahitana izay tonga. Nahita Anjely fito tao anatin'ny fehezana iray aho.

<sup>7</sup> Ary fantatro, ho an'ny mpihaino radio, maro aminareo angamba no tsy Filazantsara feno, ka mety ho toy ny zavamiafina kely aminareo ity. Fa, ho toy izany koa ilay izy amiko, saingy misy...Raha misy olona anankiray afaka manazava zavatra iray, dia tsy tokony ho ekenareo amin'ny alàlan'ny finoana intsony izany. Ilay izy dia ireo zavatra izay tsy azontsika hazavaina, no tsy maintsy ekentsika amin'ny alàlan'ny finoana. Tsy afaka manazava an'Andriamanitra isika. Tsy misy olona afaka manazava an'Andriamanitra. Masi-mandidy Izzy, ary Izzy dia lehibe sy mahery. Isika fotsiny—manaiky an'ilay izy fotsiny isika satria fantatsika fa eo Izzy. Ary amin'izay fotoana izay amin'ny alàlan'ny finoantsika, amin'ny fanekena an'ilay izy, dia Izzy no mitondra ny valiny ho antsika, ny batisan'ny Fanahy Masina.

<sup>8</sup> Fa, hiresaka aminareo fotsiny aho mikasika, ao anatin'ny fotoana vitsy eto, eo amin'ny hoe, "Làlan'Andriamanitra, na toeram-pivavahana." Ary ny toerana tokana izay azonareo hivavahana Aminy, ny toerana tokana izay hany Hihaonany aminareeo, dia misy...Misy ny Fiangonana anankiray, toerana anankiray, fotoana anankiray, vahoaka anankiray, amin'ny rehetra izay ihaonan'Andriamanitra. Ary manantena aho fa mitahy n Hafatra ao am-ponareo eto ny Tompo.

<sup>9</sup> Ankehitriny, ny tonga tany Tucson, dia hafahafa, ireo fahitana izay miresaka aminareo amin'ny Anaran'ny Tompo ireo. Tsy nisy iray tamin'izy ireny izay hany azoko tsaroana, hanontany olon-kafa iray aho raha afaka mahatsiaro indray mandeha izy ireo, izay hany Nilazany zavatra ka tsy ny Fahamarinana. Izany dia mitranga foana araka ny Lazainy fa hitrangana fotsiny.

<sup>10</sup> Ary Izy dia natao mba, araka ny Soratra, hiverina amintsika amin'izao andro farany izao, ao amin'ity karazana asam-panompoana ity. Izany dia ho aorian'ny batisan'ny Fanahy, sy ny fitenenana amin'ny fiteny tsy fantatra, ary ny fanasitranana avy amin'Andriamanitra, sy ny sisa, ireo zavatra ireo. Ilay fanaronana ny hafatra pentekotista no resahantsika amin'izao andro izao. Ity asam-panompoan'i Kristy Izy tenany lasa olona eo anivon'ny Olony ity, miaraka amin'ireo zavatra iray ihany mihitsy izay Nataony fony Izy teto an-tany; ao amin'Ny Vatany, ny Ampakarina, izay Ampahany, manao an'ireo zavatra iray ihany, tahaka ny Vady lahy sy Vady vavy, na Mpanjaka sy Mpanjakavavy, mialohan'ilay lanonan'ny Fanambadiana mihitsy.

<sup>11</sup> Amin'ity herinandro ity, raha sitraky ny Tompo, dia maniry aho ny hiresaka kely eo amin'izany, ao amin'ny asam-pitorantsika eto, ao amin'ny—ao amin'ny Embassy Hotel, ary hifankahafantatra kely ao amin'ny fombako manetry tena hanaovana azy. Ilay—ilay fotoana sy ilay ora izay iainantsika, raha tsy mahafantatra ny olona iray hoe làlana iza no haleha, inona no hatao na ahoana no hihodinana, ianareo dia—tsy mandeha amin'ny finoana intsony ianareo; mihevitra fotsiny ianareo, manombatombana ianareo. Ary ny *manombatombana* dia hoe—hoe “mandroso tsy misy fahefana ofisialy.” Noho izany raha tsy manana an'ilay tena fahefana ofisialy ianareo ahafantarana izay nolazain'Andriamanitra fa hiseho ao amin'ity ora ity, dia ahoana no mba hiatrehantsika an'ity ora ity? Ary tsy maintsy miatrika an'izany isika, mahafantatra, amin'ny finoana Ny Teniny, an'ireo zavatra izay natao hitranga ankehitriny; sy ny toeran'ireo firenena, ny toeran'ny olona, toeran'ny fiangonana, sy ny sisa.

<sup>12</sup> Tsy maintsy mahafantatra an'izany isika, ary avy eo dia hoe ahoana no handehanana hiatrika an'ilay izy. Raha tsy fantatrareo hoe ahoana no hanaovana an'izany, ianareo fotsiny dia—ilay nantsointsika taloha fotsiny, karazany hoe, kisendrasendra; mitsambikina fotsiny, manantena fa ho eto izany, manantena an'ity sy manantena an'itsy, ka “hisy ve izany?” Fa tsy mila antsika hanao an'izany Andriamanitra. Tiany isika hahafantatra an'izay Nolazainy mikasika an'ity andro ity, ary avy eo dia miatrika an'izany amin'ny finoana, satria Izy no niteny fa ho tahaka an'izany ilay izy. Amin'izay fotoana izay isika—fantatsika fa Fahamarinana ianareo amin'izay

fotoana izay, satria tsy naharay tenin'olona anankiray ianareo ho an'izany; naharay Ny Teniny ianareo ny amin'izay tsy maintsy hataontsika. Ary manantena isika fa ny Raintsika any An-danitra dia—dia hanaiky an'izany ho antsika amin'ity herinandro ity.

<sup>13</sup> Ankehitriny, miala tsiny aho fa notapahako, ny amin'izay nolazaiko fotoana vitsy lasa izay, mikasika ny fahatongavana tany Tucson. Ary nihevitra aho, ny tenako, fa izany no faran'ny fainako. Nihevitra aho fa tsy nisy olona iray afaka mba nahatanty an'io fandonan'ilay zavatra izay nitranga tao anatin'io fahitana tamin'io maraina io, saiky teo amin'ny folo ora tany an-trano, ka mba afaka ho velona taorian'izany. Nahoana, tonga tany Tucson aho, nanao ny fandaminana niaraka tamin'ny zanakolahy, mba handehanan'ny vadiko sy—sy ireo ankizy hiaraka aminy aorian'ny handehanako, satria nihevitra aho fa izany no farako. Ary izaho, tany Phoenix sy tao amin'ny favoriana maro talohan'ny nitrangan'izany, dia niteny taminareo fotsiny aho hoe ahoana no hitrangany.

<sup>14</sup> Eny, volana vitsy taorian'izany, dia tany amin'ny Sabino Canyon aho indray maraina, izay avaratr'i Tucson mihitsy. Tany aho mba hivavaka. Ary raha mbola nivavaka aho, nanangana ny tànako, nanao hoe, "Ray, mivavaka Amino aho mba Hanampianao ahy na ahoana na ahoana, hanome hery ahy, ho an'ilay ora izay atrehako ankehitriny. Ary raha tapitra ny asako eto an-tany eto, amin'izay fotoana izay dia tsy maintsy mankany Amino aho. Ary tsy ho tonga am-panenenana aho, fa fantatro hoe Ianao no hikarakara ny ankohonako. Ary izaho—mangataka hery fotsiny aho ho an'ity ora ity." Dia nisy zavatra nandona ny tànako!

<sup>15</sup> Ankehitriny, ny mpihaino radio, mety ho hafahafa izay nolazaiko, saingy izany no fahamarinana. Ary Andriamanitra no Mpitsarako.

<sup>16</sup> Nijery ny teo an-tànako aho, dia nisy sabatra iray, nisy fonony teo amin'ilay amphahan'ny fihazonana. Ary ilay fihazonana izy tenany dia vita tamin'ny perla, ary tahaka ny hoe fiarovan-tànana toy ny volamena no teo amin'ilay amphahan'ny fihazonana. Ary ilay—ilay lelan'antsy izy tenany dia toy ny hoe karazan'ny mimiratra iray raha ny marina, oh, zavatra mitovy amin'ny kraoma na zavatra manjelanjelatra amin'ny masoandro.

<sup>17</sup> Ankehitriny, teo amin'ny folo na iraka ambin'ny folo teo izany, tany amin'ny tampon'ny tendrombohitra iray tany. Azonareo eritreretina hoe ahoana no ho tsapan'ny olona iray (fa tsapako hoe ao amin'ny saiko tsara aho) mitsangana eo miaraka amin'ny sabatra iray tsy avy taiza na taiza, tsy nisy olona hatrany amin'ny maily sy maily, mihazona an'izany eo an-tànanareo. Tsapako ilay izy, noraisiko ary nahofahofako

mandroso sy miverina ilay lelan'antsy, ary, nahoana, sabatra iray ilay izy.

<sup>18</sup> Dia njery manodidina aho. Hoy aho hoe, "Eny, ankehitriny, ahoana no nahatonga an'izao nitranga? Eto aho mitsangana eto, mihitsy, eto, ary tsy misy olona manodidina hatrany amin'ny maily sy maily, ka avy taiza ity?" Dia hoy aho hoe, "Eny, izaho—ataoko angamba fa izany dia ny—ny Tompo izay miteny amiko fa izao no fotoako farany."

Dia niteny ny Feo iray ka nanao hoe, "Ity no Sabatry ny Tompo."

<sup>19</sup> Dia nieritreritra aho hoe, "Eny, sabatra iray, noho izany dia mety ho an'ny mpanjaka iray izany, mba hanomezana anaram-boninahitra." Fantatrareo, hoe ahoana no nanaovana an'izany fahiny tany Angletera sy toerana samihafa. Nieritreritra aho hoe, "Ho an'izany ity, mba hanomezana anaram-boninahitra." Dia nieritreritra aho hoe, "Eny, angamba natao hametra-tànana eo amin'ny olona aho, na . . ." Nanana an'ireo karazany rehetra aho . . . Mety misavoritaka tanteraka ny fisainan'olombelona, fantatrareo. Tsy mahafantatra ianareo. Manam-petra ireo fisainantsika; ny Azy no tsi-manam-petra. Noho izany, ary raha izany aho, ilay izy . . . Tamin'izay fotoana izay dia niala tamin'ny tànako ilay izy ka tsy fantatro hoe lasa aiza, nanjavona fotsiny. Nahoana, raha tsy nahafantatra kely fotsiny mikasika an'ireo zavatra ara-panahy ny olona iray, ianareo—ho lasa adala tahaka an'izany ianareo. Hitsangana eo ianareo, hanontany an'izay nitranga.

<sup>20</sup> Dia hoy Izy hoe, "Tsy fotoanao farany ilay fahitana. Ho an'ny asam-panompoanao izany. Io Sabatra io dia ny Teny. Hosokafana ireo Tombokase Fito, ireo zava-miafin'ny . . ."

<sup>21</sup> Ary avy eo roa herinandro taorian'izany, na roa volana, raha ny marina, taorian'izany, dia tany ambonin'ilay tendrombohitra aho niaraka tamin'ny andiana sakaiza rehefa nitranga izany. Anjely fito, tena mazava mihitsy tahaka anareo mitsangana eto, no tonga nidina avy tany An-danitra. Nikodiadia ireo vatolampy tao amin'ireo tendrombohitra ary nidina tamin'ireo havoana, ka—ka nihiaikiaka sy nanohy ireo olona izay nitsangana teo, fantatrareo, ary nanidina hatraiza hatraiza ny vovoka. Ary rehefa niseho izany, dia hoy Izy hoe, "Miverena any an-tranonao. Ho izao ankehitriny izao izany, ny Anjely tsirairay dia ho iray amin'ireo tombokasen'ny Tombokase Fito."

<sup>22</sup> Fa, eo amin'ny horonam-peo izany. Ary hivoaka tsy ho ela mihitsy ilay boky, somary amboarina kely ny gramerany ankehitriny. Araka ny fantatrareo, dia tsy tsara loatra ny gramerako, ka ny olona dia tsy . . . Tokony ho olona izay tia ahy fotsiny ianareo ka mahafantatra hoe ahoana no ahazoana ahy eo amin'ny gramerako. Fa teolojiana iray no manamboatra ny grameran'ilay izy ho ahy, ary manala avokoa ny—ny . . . Eny,

angamba nilaza an'ilay teny diso aho tao. Tsy mahafantatra akory aza aho. Noho izany, nandre olona nihomehy aho, noho izany dia ataoko fa ny "manamboatra gramera" dia tsy marina. Fa tahaka an'ilay Holandey, raiso amin'izay tiako lazaina aho fa tsy izay lazaiko, angamba.

<sup>23</sup> Ary telo minitra fotsiny ankehitriny, nilazana aho, mialohan'ny famaranana an'ilay fandaharana.

<sup>24</sup> Ankehitriny, ianareo vahoaka malala ao amin'ny fihainoana radio, sy ianareo izay marary ary mila zavatra ato amin'ny mpanatrika, hametraka ny tànanareo eo amin'ny hafa fotsiny ve ianareo ankehitriny raha hanao an'ity tonom-bavaka ity ho an'ny marary isika. Ankehitriny, Jesosy no nilaza, tao amin'ny Fanirahany farany ho an'ny Fianganana hoe, "Izao famantarana izao no hanaraka an'ireo izay mino." "Ireo," ireo izay mino! "Raha mametraka ny tànany eo amin'ny marary izy ireo, dia ho sitrana ireny."

<sup>25</sup> Ray any An-danitra malala, toy ny ankizy izahay androany, mankatò an'izay Nolazainao fa hatao. Mametra-tànana eo amin'ireto fangatahana rehetra an-telefona ireto izahay. Ianao no mahita azy ireo any amin'ny firenena any ivelany any, ahoana fa mila zavatra izy ireo, ilay fijaliana. Ianao no mahita an'ireo izay mila zavatra eto, mijaly. Ary mametraka azy ireo eo Aminao izahay, Andriamanitra malala, miaraka amin'ity finoana ao amin'Ny Teninao ity izay Nilazainao hoe, "Izao famantarana izao no hanaraka an'ireo izay mino. Raha mametraka ny tànany eo amin'ny marary izy ireo, dia ho sitrana ireny." Ekeo izany, Tompo, amin'ny Anaran'i Jesosy Kristy. Amena. [Elanelana tsy voaraki-peo—Mpand.]

[Mamarana an'ilay fampitàna voalohany ao amin'ny radio Rahalahy Branham—Mpand.]



<sup>26</sup> Misaotra anao, Rahalahy Shakarian. Tombontsoa iray lehibe tokoa ny tafaverina indray eto amin'ny fampitàna, mba hiresaka amin'ny sasany amin'ireo makaizantsika any amin'ny fihainoana radio, tahaka an'ireo manatrika eto koa.

<sup>27</sup> Ary manolotra tokoa an'ity fanasana ity aminareo izahay, mba ho tonga ao amin'ny Embassy Hotel rahampitso tolakandro, mba hivavahana. Ary tsy izany ihany, fa ento ireo izay mpanota sy ireo izay miverin-dàlana. Raha manao vavaka ho an'ny marary fotsiny isika, ary tena mahita an'Andriamanitra manao fahagagana lehibe tsy ankisahatra, saingy laharana faharoa izany. Ny zavatra lehibe indrindra dia ny voavonjy, feno ny Fanahin'Andriamanitra, izay ho resahako aminareo ny mikasika an'izany ao anatin'ny fotoana vitsy fotsiny eto, ary ilay fahampiana hoe ahoana fa tsy maintsy feno ny Fanahin'Andriamanitra isika.

<sup>28</sup> Ary ny fanasitranana avy amin'Andriamanitra mazàna dia misintona ny fifantohan'ny olona, ka mitondra azy ireo eo amin'ny Fanatrehan'Andriamanitra. Rehefa Andriamanitra no manao zavatra izay—izay fantatr'izy ireo fa tsi-... eny, tsy azo ilay izy. Tsy afaka maneho ara-mekanika isika hoe ahoana no nahavita an'ilay izy. Andriamanitra no manao azy amin'ny Fombany lehibe Manokana. Amin'izay fotoana izay dia izany no mitarika ny fifantohan'ny olona, mba hahafantatra fa misy Fanatrehan'ny Hery iray any ho any, izay afaka manao zavatra izay any ankoatry ny fahalalan'olombelona, ary izany no manao azy ireo hitodika amin'ilay Zanak'ondrin'Andriamanitra. Ary isan'andro, ny fanasitranana avy amin'Andriamanitra; efa nilazana aho, ary mino aho, ny tenako, fa eo anelanelan'ny enimpolo, angamba, sy fitopolo isan-jatony, an'ny asampanompoan'ny Tompontsika, dia teo amin'ny fanasitranana avy amin'Andriamanitra. Ary Nataony izany mba hisintona ny olona. Avy eo rehefa teo izy ireo, dia hoy Izy hoe, "Raha tsy mino ianareeo fa Izaho no Izy, dia ho levona amin'ny fahotanareo ianareeo."

<sup>29</sup> Ankehitriny, ny fanasitranana avy amin'Andriamanitra dia karatra fitarihana lehibe iray, mba hanao ny olona hitodika amin'ny Tompo Jesosy. Ary Dokotera F.F. Bosworth, izay maro aminareo no, no efa sakaizany, sy nahafantatra azy, ary nidika betsaka ho ahy mihitsy ny asam-panompoany fony aho mpitoriteny tanora iray. Nanomboka tao amin'ireo favoriako aho, ary tojo an-dRahalahy Bosworth. Nilaza izy fahiny hoe, "Ny fanasitranana avy amin'Andriamanitra," izany dia fanambarana kely mivantana iray ankehitriny, hoy izy hoe, "ny fanasitranana avy amin'Andriamanitra dia ilay fandrika eo amin'ny lelam-pintana." Hoy izy, "Tsy asehonareo amin'ny trondro mihitsy ilay fintana. Ilay fandrika no asehonareo, ary avy eo dia hanenjika an'ilay fandrika izy ary ho tratran'ilay fintana." Koa izany no ezahantsika hatao. Izany no antsika...isika... Ny fikasantsika dia ny hitondra ny olona eo amin'i Tompo Jesosy Kristy. Ary Izy no tsy miova omaly, anio, ary mandrakizay. Koa raha Izy no Mpanasitrana tamin'ireo andro lasa, dia Izy no Mpanasitrana androany.

<sup>30</sup> Fijoroana vavolombelona manokana iray fotsiny alohan'ny hivavahako ho an'ny marary ao amin'ny fihainoana radio. Andro vitsy lasa izay, nipetraka tao amin'ny tendrombohitra iray aho izay nisy zavatra lehibe anankiray niseho teo anatrehan'ny rahalahy dimy ambin'ny folo na roapolo tany, teo amin'izay tena nidinan'ilay Anjelin'ny Tompo, sy Hazavana lehibe iray izay nanidina tahaka ny kintana manan-drambo iray, nipoaka nanerana an'ireo tendrombohitra, ary nanidina hatrany amin'ny roanjato dian-tongotra ireo vato, na mihoatra, nanerana teo, nanapaka ny tendron'ireo hazo. Ary nitsangana teo ambanin'Izany mihitsy aho. Ary niteny tamin'izy ireo aho volana vitsy talohan'ny nitrangan'ilay izy, fa ho eo Izany sy

izay hitranga; am-pahatsorana, dia nolazaina izany ny andro talohan'io. Ary nihazakazaka teo ambanin'ireo fiarabe sy ny sisa ireo lehilahy rehetra ireo, niezaka ny handositra. Tsy fantatr'izy ireo izay niseho. Ary niteny Izy ka nilaza an'izay hiseho taorian'izany avy hatrany.

<sup>31</sup> Nipetraka teo ambonin'io vatomampy iray teo io aho, teo amin'izay Nisehoany mihitsy, izaho dia nanana sa—sakaiza iray izay niaraka taminay, izay tonga avy tany Minnesota. Ireo fianakaviany dia eto izao maraina izao ary tsy azoko antoka hoe mety ho eto izy eny amin'ny sasany amin'ireo rihana hafa. Donavon Weerts izany, ary sakaiza tanora mahafinaritra iray, Loterana iray izay vao avy nanolotra ny fiainany ho an'i Kristy ary feno ny Fanahy. Zazalahy Alemandy tena manetry tena iray, eo amin'ny telopolo taona eo, ny fianakaviany, ankizy kely roa na telo. Nifindra tany Tucson izy mba ho mpiara-monina amiko fotsiny, fa misy telo na efajato no nifindra mba ho mpiara-monina. Noho izany izy . . .

<sup>32</sup> Ary faly aho manana mpiara-monina tahaka an'izany. Manaraka ahy hatrany Afrika Atsimo rehetra any izy ireo, sy manodidina hatraiza hatraiza, mba ho akaiky fotsiny sy hahita ny . . . miaraka amiko, sy mba hiaraka amiko ka hankafy an'ireo fifalian'ny Tompo.

Tena lehilahy manetry tena, tsy nahamarika azy betsaka mihitsy aho.

<sup>33</sup> Mazava ho azy, ireo olona izay fantatro sy iarahako miasa dia tahaka ny rahalahiko manokana mihitsy, anabaviko. Mandinika azy ireo aho, ary tsapako fa raha mihevitra aho hoe miala amin'ilay tsipika izy ireo, dia entiko mivoaka mankeny amin'ny sisiny iray ary miresaka aminy aho, satria tiako izy ireo. Tiantsika ny haina miaraka ao amin'ny Voniolahitra. Ary indraindray angamba, ao amin'ireo favoriana, dia mihevitra ianareo fa miteny henjana aminareo aho. Tsy avy amin'izany ilay izy. Izany tsy hoe tsy tia anareo aho, fa izany dia avy amin'ny foko, satria aho—aho . . . Tsy maintsy ho lalan-tokana fotsiny ilay izy. Lalan-tokana ihany no hanompoana an'Andriamanitra, ary izany dia . . . Ary tsy maintsy mijanona eo amin'ny Lalan isika, tsy mampaninona ireo fisainantsika. Ny Lalan!

<sup>34</sup> Ary nahamarika an'i Donavon aho, teo amin'ny tendron'ny sofiny havanana, dia nivonto intelo amin'ny habeny angamba, ary toy ny tena mena. Eny, nihevitra aho ankehitriny fa angamba, tany amin'ny tany efitra tany nandrity ny andro vitsy, izay efa nisy anay, dia angamba tratry ny raketa iray izy tao anatin'ny sofiny. Fa, noraisiko ny tanany, dia hitako fa homamiadana iray ilay izy. Noho izany dia hoy aho tamin'i Donavon, hoy aho hoe, "Ry Donavon, ianao ve . . . Efa hatramin'ny oviana io no teo amin'ny sofinao?" Mba hampilamina azy kely fotsiny, dia toy ny hoe tsy nahafantatra

aho. Hoy aho hoe, “Efa hatramin’ny oviana io no teo, ry Donavon?”

Hoy izy hoe, “Rahalahy Branham, teo amin’ny enim-bolana teo,” hoy izy.

Hoy aho hoe, “Naninona no tsy noteneninao tamiko io?”

<sup>35</sup> Hoy izy hoe, “Oh, hitako fa tena sahirana ianao,” hoy izy, “tsy tiako ny—ny hanao an’izany.” Hoy izy, “Nihevitra fotsiny aho hoe angamba mety hiteny aminao ny Tompo indray andro any.”

Noho izany dia hoy aho hoe, “Mba fantatrao ve hoe inona io?”

Hoy izy hoe, “Manana hevitra tsara iray aho.”

Hoy aho hoe, “Marina izany.”

<sup>36</sup> Ary ny afak’ampitso. Tsy nisy ankoatran’izay, noraisiko tamin’ny tànany ilay zazalahy; ny afak’ampitso, dia tsy nisy na dia holatra iray akory aza teo amin’ny sofiny. Lasa tanteraka daholo ilay izy.

<sup>37</sup> Matetika mihitsy isika dia manery, ary miezaka ny ho tonga eo amin’ity, *itsy*. Na... Hitanareo, ilay izy dia, “Izao famantaranana izao no hanaraka ny mino.” Izany tsy nilaza hoe “raha hivavaka ho an’ny marary izy ireo.” “Raha mame tra-tànana eo amin’ny marary izy ireo, dia ho sitrana ireny!” Tsy maintsy manana finoana isika, ny tenantsika, ao amin’izay ataontsika. Eny àry.

<sup>38</sup> Noho izany ankehitriny dia eto angamba i Donavon. Hihaona aminy ianareo. Ho eto izy, raha tsy eto izy izao maraina izao, eny amin’ny sasany amin’ireo rihana hafa. Hihaona aminy ianareo, dia ho fantany ilay fijoroana vavolombelona.

<sup>39</sup> Ary inona koa no mbola azoko lazaina? Mino aho fa i Lioka, na i Jaona, ny iray, no nilaza fa izao tontolo izao dia tsy mety ho ant... hahazona, antonona an’ireo boky izay azo soratana ny amin’izay Nataony teo anivon’ny olona amin’izao andro farany izao; ahoana fa sitrana ny marary, afaka ireo mpisotro alikaola, an’arivony amin’izy ireny, ary ireo karazana aretina sy fahorianareheatra.

<sup>40</sup> Ankehitriny, ianareo ao amin’ny radio, tahaka ny eto koa, mihazona fangatahana eran’ny tànana lehibe aho eto ankehitriny izay tonga tamin’ny alàlan’ny telefona izao maraina izao, maneno tsy ankitsahatra hatramin’ny naха-teto anay. Ary noho izany isika... Fangatahana enina amby sivifolo amby zato no tonga izao maraina izao, tamin’ny alàlan’ny telefona, hatramin’ny naха-teto anay. Noho izany dia ndao isika hikambana ao amin’ny vavaka ankehitriny raha ny tsirairay avy... Na aiza na aiza ianareo, any amin’ny firenena, apetraho eo amin’ny hafa ny tànanareo, raha mpino ianareo. Raha tsy izany, dia apetraho eo ambonin’ny Baiboly ny tànanareo na zavatra iray any, raha mivavaka isika eto sy ny any.

<sup>41</sup> Ray any An-danitra malala, ilay fijoroana vavolombelona kely ny amin'i Donavon Weerts, anankiray amin'ireo an'arivony fotsiny, Tompo, hoe tena miahys Ianao... Mivavaka aho mba Hijerenao midina ao anatin'ireo fon'ny olona eto sy ao amin'ny fihainoana radio. Ary enga anie izy ireo, ny tsirairay, ho sitrana. Enga anie ilay ratsy hiala amin'izy ireo, ka enga anie izy ireo ho afaka amin'ny fahoriany. Ekeo izany, Ray. Amin'ny Anaran'i Jesosy Kristy, Ny Zanakao, no angatahanay an'izany. Amena.

Misaotra Anao, Tompo... [Elanelana tsy voaraki-peo—Mpand.]

[Mamarana ny fampitâna faharoa ao amin'ny radio Rahalahy Branham—Mpand.]

☆ ☆ ☆ ☆ ☆ ☆ ☆

<sup>42</sup> Eny, ity no fotoana fahatelo ho ahy eto izao maraina izao. Oadray! Ary, fantatrareo, nolazaina fotsiny fa tsy maintsy manao an'ilay tranobe ho foana izahay eo amin'ny roa ambin'ny folo, efatra ambin'ny folo minitra eo, na tahaka an'izany. Ary ilay mpitantana no nilaza, izay ao amin'ny rihana hafa ao, ary tsy afaka manolotra sakafo izy ireo. Nihalava ireo sakafontsika. Manana karazan-kanina betsaka isika, fantatrareo. Noho izany isika dia tena, tena faly fa manana an'ity jobily ara-panahy lehibe, ara-tsakafo ity, araka ny hiantsoako azy, izao maraina izao miaraka amin'ity andiana lehilahy mahafinaritra ity.

<sup>43</sup> Ho tiako ny—ny hilaza fa isika dia...ireo fotoana indray, rahampitso tolakandro, any amin'ny Embassy any. Ankehitriny, hivavaka ho an'ny marary isika any, ary hanantena an'Andriamanitra hihaona amintsika. Koa tonga hametraka ny anjarako aho, ny asam-panompoako, mba hanao (izay rehetra vitantsika) an'ity favoriana ity ho fahombiazana iray. Tsy fahombiazana iray satria hoe favorantsika ilay izy, fa fahombiazana iray ny amin'ireo olona hahita an'i Jesosy Kristy. Izany no fahombiazana. Ny favoriana rehetra, tsy mampaninona na impiry isika no midera an-Andriamanitra, na zavatra lehibe firy no hitantsika Hataony, na impiry Izy no miresaka amintsika ao amin'ny Fanahy, sy ny sisa; raha tsy misy zavatra tanteraka ao, fanahy sasany nentina nuditra tao amin'ny Fanjakana!

<sup>44</sup> Ary Rahalahy Shakarian dia vao avy nanao ny—ny tena fanambarana iray ankehitriny mikasika an'izay noheveriny ny amin'ireto andro izay isika—iainantsika ireto. Mino marina an'izany amin'ny foko rehetra aho, fa miaina ao amin'ny fotoana famaranana mihitsy isika, ao amin'ny—ao amin'ireo aloky ny hariwa mihitsy. Efa lasa lavitra any aloha ny masoandro. Ary rehefa hitantsika ireo zavatra izay miseho tahaka ny isehoan'izy ireo amin'izao andro izao, nahoana, dia sarotra ny miteny hoe inona no ho entin'ny taranaka hafa iray. Andro vitsy lasa izay...

<sup>45</sup> Mamelà ahy fotsiny hanome zava-baovao kely ho anareo. Nanao fanadihadihana iray izy ireo nanerana an'i Arizona, izay ipetrahako, an'ireo sekoly rehetra. Izy ireo dia nanome an'ireo ankizy, tsy fantatr'izy ireo akory, fizahana ara-tsaina iray. Ary fantaro hoe inona? Nampidirina ireo sekoly ambony sy—sy ireo sekoly ambaratonga voalohany, nisy valopolo isan-jaton'ireo ankizy no mijaly amin'ny tsi-fahampiana aratsaina. Ny fitopolو isan-jaton'izy ireo dia mpijery televiziona. Hitanareo, ireo ratsy, mitsofoka eo amintsika fotsiny izy ireo nefá isika tsy... Manontany ianareo hoe nahoana no tonga izany. Afaka mandre ny Feon'Andriamanitra miantsoantso manohittra an'izany ianareo, kanefa eto isika—mahita ny tenantsika voasaringotra ao anatin'izany isika.

<sup>46</sup> Mamelà ahy hanome zavatra manaitra iray ho anareo. Hitanareo, "Tsy izay rehetra milaza Amiko hoe, 'Tompo, Tompo,' no hiditra; fa ny iray izay manao ny sitrapon'Ny Raiko." Ny Sitrapony dia Ny Teniny. Afaka ny ho tena mpivavaka mihitsy isika, manana fotoana lehibe, mihiaikiaka, mitsambikina, ao amin'ireo fivoriana ireto, nefá isika dia... Izaho tsy—tsy te-ho mpitsikera aho. Fa izaho dia manana a—andraikitra iray hatao ho an'Andriamanitra, ary izany andraikitra izany dia ny ho tso-po ka milaza izay Tiany ho lazaiko. Ary izaho dia—izaho dia mankasitraka tokoa ny fivorian'i California izay miaritra miaraka amiko amin'ny—amin'ny fandresen-dahatro. Raha tsy miteny ny fandresen-dahatro aho, dia mpihatsaravelatsihy iray ary tsy mahitsy fo aminareo akory aza aho ankehitriny. Fa raha tsy afaka ny ho mahitsy fo aminareo aho, dia ahoana no hahitsiaka fo amin'Andriamanitra, satria mahita anareo aho dia miresaka aminareo. Mazava ho azy, isika dia miresaka, amin'Andriamanitra, ihany koa, saingy tsy maintsy ho tena tso-po sy mahitsy fo amin'ny anankiray hafa isika. Isika tokoa dia ao anatin'ny—ny taona mampatahotra iray, mampatahotra. Ary efa mba nijanona ve ianareo...

<sup>47</sup> Mamelà ahy fotsiny hanome fanadihadihana kely iray ho anareo fotsiny. "Tsy izay rehetra milaza Amiko hoe, 'Tompo, Tompo,' no hiditra ao; fa ny iray izay manao ny sitrapon'Ny Raiko." Jesosy no nilaza, teto an-tany hoe, "Tsy ny mofo ihany no hiveloman'ny olona, fa ny Teny rehetra." Ny Teny rehetra! Tsy hoe matetitetika fotsiny, Teny iray, fa ny Teny rehetra.

<sup>48</sup> Teny iray tsy ninoana, avy amin'ny an'Andriamanitra... an'ireo didin'Andriamanitra, no niteraka ny fahafatesana, alahelo, sy ny aretina rehetra ary ny aretim-po, diso tamin'ny Tenin'Andriamanitra, Teny anankiray! Raha nitondra ny taranak'olombelona tao anatin'ny fahafatesana izy, tamin'ny fahadisoana, tsy nino Teny anankiray hoe, "azo antoka," azo antoka. Fa Izy no nilaza hoe hitranga ilay izy. Hoy Satana hoe, "Azo antoka fa tsy hitranga izany." Saingy nitranga ilay izy.

<sup>49</sup> Noho izany, tsy maintsy mitandrina ny Tenin'Andriamanitra rehetra isika. Ary raha ny olombelona sy io fijaliana rehetra sy ny sisa io no tonga teo amin'ny taranak'olombelona, tamin'ny alàlan'ny fandikana diso, na—na tsy finoana Teny anankiray, dia ahoana no hiverenantsika amin'ny fandisoana Anankiray, raha io vidiny rehetra io no nandoavana an'izany, hatramin'ny ain'Ny Zanany mihitsy aza?

...maro no nantsoina, ...vitsy no fidiana.

...maro no nantsoina, ...vitsy no fidiana.

<sup>50</sup> Tsy afaka maka lahateny iray avy amin'io aho, fa tsy manana fotoana isika, saingy hamela zavatra iray fotsiny aminareo. Ndao isika hieritreritra ny amin'ny . . .

<sup>51</sup> Nandeha niaraka tamin-dRahalahy Shakarian aho indray andro, izay nisy azy ireo nampanaraka biby fiompy. Ary hitako ilay—ilay . . . tao amin'ny trano fandinhana izay nitondran-dRahalahy Shakarian ahy. Dia natsofok'izy ireo tao anatin'ilay tsirin'ainy omby lahy, iray kely fotsiny . . . tahaka ny fitaovana kely iray, tahon'afokasoka, ary naka andiana iray avy tamin'io tsirin'aina io, ka nametraka an'izany teo ambonin'io fitaratra io izay nanalehibe azy avo zato heny. Ary nisy tsimoka kely nitsambikina tao anatin'io, tao anatin'io tsirin'aina io. Saingy, fantatsika fa avy amin'ny lahy ny tsimoka, ary avy amin'ny vavy ny atody. Dia nanontany an'ilay mpahay simia aho tany, hoy aho hoe, "Inona no manao an'io fitsambikinana kely io tahaka an'izao?"

Hoy izy hoe, "Izany dia—izany dia ireo ombilahy sy zanak'omby kely." Hitanareo?

Dia hoy aho hoe, "Ao anatin'io indray mitete kely io ve?"

Hoy izy hoe, "Hia."

<sup>52</sup> Hoy aho hoe, "Angamba raha izany dia hisy iray tapitrisa amin'izy ireo ao anatin'ilay tsirin'aina iray manontolo?"

Hoy izy hoe, "Oh, hia." Hitanareo? Ankehitriny, diniho tsara.

<sup>53</sup> Ankehitriny, rehefa miseho io zavatra lehibe io, dia misy atody anankiray miandry tsimoka anankiray avy amin'io tapitrisa io. Ary tsy misy afaka hiteny hoe tsimoka iza izany, na atody iza izany. Raha nandinika ny fiterahana ara-boajanahary ianareo, dia zava-miafina iray izany mihoatra ny—mihoatra ny fahaterahana ara-virijiny. Satria, ao amin'io tsirin'aina io, dia misy anankiray ao anatiny ao izay voafidy mialoha ho velona, ary ny sisa amin'izy ireo dia ho faty. Ary ilay izy dia tsy ilay anankiray mihaona voalohany; ilay izy dia ilay anankiray izay mikambana miaraka voalohany amin'ilay atody. Angamba mety ho tonga avy amin'ny faran'ny tsirin'aina ilay atody, na ny eo afovoan'ilay tsirin'aina; mety manao tahaka an'izany ilay tsimoka, ilay atody. Mandady miditra ao amin'ilay atody ny tsimoka, ary mivoaka avy ao amin'izany ireo rambo kely, ary eo

no manomboka ny taolan-damosina. Anankiray ihany amin'io famoahana manontolo io, avy amin'ny iray tapitrisa, no hanao an'izany, anankiray ihany; ary izany dia voatendrin'ny Hery tsy fantatra iray, amin'ny olona. Kanefa ianareo dia, ny tsirairay avy, mitovy, mitovy mihitsy ny tsirairay avy amin'ireo tsimoka ireo. Mitovy amin'izany ny amin'ireo biby. Mitovy amin'izany ny amin'ny olona. Izany dia voatendry na ho zazalahy ilay izy, zazavavy, mena volo, mainty volo, na inona. Izany dia voatendrin'Andriamanitra. Toy ny hoe mitovy izy rehetra ireo, ara-boajanahary, saingy misy anankiray ao anatiny ao izay voatendry ho amin'ny fainana; anankiray amin'ny iray tapitrisa, kanefa dia mitovy izy rehetra.

<sup>54</sup> Rehefa niala an'i Egypta ny Isiraely, dia nisy nanakaiky ny roa tapitrisa teo no niala tamin'ny fotoana iray ihany. Ny tsirairay avy tamin'izy ireo dia nandre ny hafatry ny mpaminany iray. Ny tsirairay avy tamin'izy ireo dia nahita ny Andry Afo. Ny tsirairay avy tamin'izy ireo dia vita batisa tamin'i Mosesy, tao amin'ny Ranomasina Mena. Ny tsirairay avy tamin'izy ireo dia nihiaikiaka tao amin'ny—tao amin'ny Fanahy, nivey ampongatapaka ary nihazakazaka nandroso sy niverina teo amin'ny morona, niaraka tamin'i Miriama, rehefa nihira tao amin'ny Fanahy i Mosesy. Izy ireo, ny tsirairay avy, dia nisotro avy tamin'ilay Vatolampy ara-panahy iray ihany. Izy ireo, ny tsirairay avy, dia nihinana Mana vaovao isan-kariva. Ny tsirairay avy tamin'izy ireo! Saingy roa no nahavita an'ilay tany, anankiray tamin'ny iray tapitrisa.

<sup>55</sup> Inona ilay fitsapana? Izy rehetra dia nisotro tao amin'ilay Vatolampy iray ihany, izy rehetra dia nihinana an'ilay Mana ara-panahy iray ihany tahaka ny ihananantsika izao maraina izao, saingy ny fitsapan'ny Teny no nizaha toetra azy ireo. Rehefa tonga teo amin'ny fotoan'i Kadesy-barnea ilay izy, rehefa nanomboka niditra tao amin'ilay tany nampanantenaina izy ireo, dia tsy afaka niditra raha tsy notsapaina tamin'ny alàlan'ny Teny. Ary ireo—ireo folo rehetra dia niverina, ka nanao hoe, “Tsy afaka manao an'ilay izy isika! Ireo olona dia tahaka... Tahaka ny tsingentana isika, amin'izy ireo, ilay tanànany misy rindrina lehibe. Lehibe loatra ilay fanoherana.”

<sup>56</sup> Saingy nampangina ny vahoaka i Josoa sy Kaleba. Hoy izy ireo hoe, “Mihoatra nohon’ny mahavita an'ilay izy isika!” Nahoana? Andriamanitra no nilaza, talohan’ny nialan'izy ireo, ilay tany nampanantenaina hoe, “Efa Nomeko anareo ny tany. Efa Nomeko anareo izany. Anareo izany.” Fa nisy anankiray avy tamin'ny tapitrisa tsirairay.

<sup>57</sup> Misy manakaiky ny dimanjato tapitrisa ireo mody antsoina Kristiana eto amin'izao tontolo izao androany, ary ny andro tsirairay dia mamarana taranaka iray. Ary ankehitriny, ahoana moa raha ho tonga androany ny Fampakarana ka olona dimanjato, manerana an'izao tontolo izao, no ho raisina ao

amin'ny Fampakarana? Tsy ho fantatrareo mihitsy na ho hita ao amin'ny gazety mihitsy aza, hoe lasa izy ireo. Ary ny Fihavian'ny Tompo dia Fihaviana mafina iray. Ho avy Izy ary hifaoka. Ho tena vitsy an'isa iray izany, hany ka . . .

<sup>58</sup> Tahaka ny tamin'ireo andro fotsiny izay nanontanian'ireo mpianatra an'i Jesosy hoe, "Nahoana ireo Mpanora-dalàna no milaza fa—fa tsy maintsy tonga aloha Elias?"

Hoy Izy hoe, "Efa tonga sahady izy, fa tsy fantatrareo mihitsy izany."

<sup>59</sup> Efa mba nieritreritra an'izay nataon'ny olona ve ianareo? Nanohy avy hatrany izy ireo nino fa Mo-...fa ho tonga i Elias. Ary teo anivon'izy ireo mihitsy izy, nefo tsy fantatr'izy ireo izany.

<sup>60</sup> Ho toy izany koa amin'ny Fihavian'ny Zanak'olona! Hanao Aminy an'ilay zavatra iray ihany mihitsy izy ireo. Eto ny Fanahin'Andriamanitra. Eny, inona no hataotsika amin'Izany? Hihinana Mana ve isika, sy ny sisa, ka tsy handroso hatrany foana raha mitombo isika?

<sup>61</sup> Efa mba nahamarika voa iray ve ianareo, araka ny notenenin'ny Rev. Pitts fotoana vitsy lasa izay, sy hoe ahoana no andehanan'ny voa iray ao anatin'ny tany? Voa maro no ao anatin'ilay tany. Rehefa nanomba teo ambonin'ny rano Andriamanitra, niaraka tamin'ny Hazavana, dia ny Hazavana no namokatra. Ny Fanatrehan'Andriamanitra voalohany, ilay Hazavana voambara dia tonga tamin'ny alàlan'ny Tenin'Andriamanitra. Ary ny Tenin'Andriamanitra no zavatra tokana izay mbola mitondra Hazavana foana. Ary rehefa nihataka ireo rano, dia efa tao anatin'ny tany ilay voa, ka ilay Hazavana irery ihany no namokatra an'ireo voa izay nijanona niaraka tamin'ny tsimoka tao anatin'izy ireo, nivoaka. Andriamanitra manao ny Famoronany.

<sup>62</sup> Ary ankehitriny, tamin'ny marainan'ny Paska dia nisy Hazavana hafa iray nandona ny tany, rehefa nomena ny Fanahy Masina. Ary Izany dia nomena mba hitondra Hazavana ho an'ireo Voa izay Andriamanitra, tamin'ny alàlan'ny Fahalalany mialoha, no nahafantatra fa ho eto an-tany. Tahaka ny Nahafantarany an'ilay voa ara-boajanahary voalohany, dia Fantany hoe aiza no misy an'ilay Voa ara-panahy. Ny vatanareo dia nipetraka teto an-tany tamin'izany fotoana izany, rehefa nitondra ny tany tamin'ny fisiana Andriamanitra tamin'ny voalohany. Ampahan'ny tany isika. Nipetraka tao isika. Ary tamin'ny alàlan'ny Fahalalany mialoha no Nahafantarany marina tokoa hoe iza no ho tia Azy sy iza no hanompo Azy, ary iza no tsy hanompo azy. Ny Fahalalany mialoha no miteny an'izany. Raha tsy izany ilay izy, amin'izay fotoana izay dia tsy Andriamanitra Izzy. Tsy mety ho Andriamanitra Izzy raha tsy tsi-

manam-petra. Ary raha tsi-manam-petra Izy, dia mahafantatra ny zavatra rehetra Izy.

<sup>63</sup> Noho izany, dia mahita ny olona manao ny tsi-fitandremany ianareo. Tafintohina amin'izany izy ireo. Mihazakazaka amin'izany izy ireo, ary mieritreritra an'ity sy itsy, nefà tsy mety tsara ilay izy, mahita an'izany isika. Fa misy mety tsara iray, izany dia ny mahita ny sitrapon'Andriamanitra tanteraka ary mijoro ao amin'izany, amin'izay niantsoan'Andriamanitra anareo.

<sup>64</sup> Tahaka ny nolazain-dRahalahy Jack fotoana vitsy lasa izay mikasika ny teto tao amin'ny—ny Pershing Square, ny fifanjevoana rehetra. Ny anankiray tahaka an'ity, ary ny anankiray tahaka an'itsy; sy mikasika an'ireo teolojiana, sy ny sisa, hoe raha te-hahafantatra teolojia iray ianareo, dia mandehana mankany.

<sup>65</sup> Ataoko fa saiky mitovy tahaka ny ao amin'ny Hyde Park any Londres izany. Tany aho, manana ny heviny manokana ny olona rehetra. Izany dia—izany dia fivangongoan'izao tontolo izao an'ny andro moderina ao Babylonla.

<sup>66</sup> Fa efa voamarikareo ve araka—araka ny nanohizan-dRahalahy Pitts ny hafany maha-te-ho tia izao maraina izao tamintsika? Raha nanomboka nivoaka an'ilay saha izy, dia nahita lisin'ny Paska kely iray. “Teo afovoan’ny fifanjevoana rehetra,” araka ny nitondrany azy tamintsika, “dia tsy nanana fomba izy hilazana ‘eny’ na ‘tsia.’ Ny aina avy tamin’Andriamanitra no namiratra tao anatiny, teo afovoan’ny fifanjevoana rehetra.” Teo izy tao amin'ny famirapiratana, satria Andriamanitra no nanendry an'izany ho eo. Teo afovoan’ny fifanoherana rehetra, dia tsy nisy anankiray nahamarika an'izany. Tsy nahita an'ilay fampiharana ara-panahin'izany izy ireo.

<sup>67</sup> Dia toy izany koa ilay izy amin'izao andro izao eo anivon'ireo favorantsika lehibe rehetra sy ireo vondrona, sy ireo fiangonana ary anaram-piangonana, sy ny sisa. Ny anankiray misintona amin'ity lâlana ity hoe, “Tsy maintsy ho Batista isika, na ho Presbyterana, tsy maintsy ho ity, itsy, na ny hafa.” Eo afovoan'izany rehetra izany, dia misy voninkazo iray mitsimoka. Misy herin'Andriamanitra iray mihitsy eo anivontsika, mipoitra avy hatrany eo afovoantsika rehetra. Ndao isika hijanona fotsiny ary hibanjina an'izany, minitry vitsy, ka handinika an'izany amin'ity herinandro ity, dia hahita an'izany voasokatra eo anatrehantsika mihitsy. Mino isika fa hanao an'izany Andriamanitra. Tsy ianareo ve? [Hoy ny fiangonana hoe, “Amena.”—Mpand.]

<sup>68</sup> Hitako fa tokony ho ambany isika manomboka izao. Noho izany dia ndao isika hivavaka, ny tsirairay avy amintsika.

<sup>69</sup> Andriamanitra malala, rehefa manondrika ny lohanay eo amin'Ny Fanatrehanao izahay, dia tsapanay fa tena tsy ampy izahay mba hangataka. Saingy Ianao no nampanantena anay fa, raha manatona izahay, dia tsy handà anay Ianao. Ary ireo filazana henjana izay vao avy natao, tsy ho foto-pampianarana iray mihitsy hoe, "anankiray avy amin'ny iray tapitrisa," saingy mba hahatsiarovana kely fotsiny. Fa hoy Ianao hoe:

...ety ny vavahady, ary tery ny lalana, izay mitondra  
mankany amin'ny fianana, ka ho vitsy no hahita azy.

*Satria maro no nantsoina, fa vitsy no fidiana.*

<sup>70</sup> O Ray Mandrakizay, iraho manerana an'ity tanàna ity ny Hazavan'ny Filazantsara, mandritr'ity favorian'ny herinandro ho avy ity. Ary raha misy Voa iray, na ahoana na ahoana amin'ny alalan'ny Fitsinjovanao Manokana lehibe, hendry, tahaka ny niezahako nanao kisarisary azy tao amin'ilay tsirin'ain'ny lahy sy ny vavy, dia enga anie izy ireo ho tonga betsaka ao amin'ilay favoriana. Enga anie ny Fanahy Masina hanome azy ireo ny Hazavana. Fantatray fa efa tara nohon'ny hiheveranay azy angamba ilay fotoana. Mivavaka izahay, Andriamanitra, mba araka ny ahatongavanay eto, mino fotsiny fa angamba misy zavatra eto izay mety ho vita ka hanampy ny olona, na—na hahazo an'ilay ondry farany. Fantatray, fa rehefa feno ilay valan'ondry, amin'izay fotoana izay dia hanakatona ny varavarana ilay Mpiaondry ondry.

<sup>71</sup> Tahaka ny tamin'ny andron'i Noa, rehefa nentina nuditra ilay mambra farany an'ilay fianakaviana, dia nakaton'Andriamanitra ny varavarana. Dia nikapokapoka izy ireo ary namely, saingy tara loatra ilay izy. Andriamanitra malala, nanana an'ilay fanararaotra izy ireo.

Hoy Ianao hoe, "Izaho io Varavarana'ny valan'ondry io."

<sup>72</sup> Ary mandòna toy ny ahoana ny hira avy amin'ilay poetry hoe, "Tsy ampy Anao ve ny sivy amby sivifolo? Saingy, tsia, mbola nisy anankiray." Mety ho ondry mainty kely iray izy, na mety ho tsinontsinona kely iray, mety ho vavy kely na lahy. Tsy fantatray hoe aiza izy ireo, saingy tsy maintsy miditra io anankiray farany io ka amin'izay fotoana izay vao hikatona ilay varavarana. O Andriamanitra, Izay mahafantatra ny zavatra rehetra, zahao ny fiainanay izao maraina izao. Ary iraho izahay na aiza na aiza azonay andehanana, mba ahafahanay mahita an'io anankiray farany io, mba hikatonan'ilay varavarana sy ilay Mpiaondry ondry ho ao anatiny miaraka amin'ny ondry. Ekeo izany, Tompo. Raha ato io anankiray io androany, raha io anankiray izay natao hiditra io...

<sup>73</sup> "Izay rehetra nomen'ny Ray Ahy no hanatona Ahy. Ary tsy misy olona afaka manatona, raha tsy Ny Raiko no nitarika azy."

<sup>74</sup> Ary raha misy fisintonana iray, na fihetseham-po iray, ka mety ho ity no ora ho an'ny olona iray ato amin'ity

mpanatrika ity, eto na any ambany, na aiza na aiza mety misy azy ireo, dia enga anie izy ireo hamaly hoe, "Eny, Tompo, izaho io anankiray mirenireny izay nirenireny lavitra io; ary izay nanohitra an'Ízany, nandritry ny fiainako rehetra. Izaho—izaho—izaho dia nahatsapa fa tokony nanatona aho, saingy androany dia mihantona eo amin'ny andanin'ilay resy aho. Tsy afaka miakatra aho na midina. Tsy afaka mandeha na aiza na aiza aho." Oh, enga anie ho avy ilay Mpiandry ondry lehibe, hanatsotra an'ireo tànana malefaka ka hampiditra an'io anankiray io ho voaaro, hametraka azy eo ambonin'ny Sorony ka hamerina azy ho voaaro.

<sup>75</sup> Angamba misy anankiray eto, Tompo, izay marary, ao anatin'ny toerana mitovitovy, izay nilazan'ny dokotera hoe, "Tsy misy na inona na inona azo atao." Niezaka mafy izy mba hamonijy azy, saingy tsy afaka namonijy azy izy. Any ankoatry ny fahatakarany izany. Misy—tsy misy na inona na inona azony hatao. Ny fanafodiny na ny antsiny dia tsy afaka mahazo an'izany. Saingy, O Tompo, tsy misy na inona na inona lavitra loatra ho an'ny Sandrinao lehibe, ary Ny Teninao no Sandrinao. Noho izany dia mivavaka izahay, Andriamanitra Malala, mba, izao maraina izao, raha mbola miresaka Aminaо izahay, mba Hidinanaо ka handraisanaо an'io anankiray izay marary sy tsy afaka manampy ny tenany io, any ivelan'ny fahatakaran'ny fomba siantifika rehetra, nilaozan'ny dokotera, enga anie ho sitrana izy ireo. Ekeo izany, Tompo.

<sup>76</sup> Raha mieritreritra an'i Davida izahay, satria nomena andraikitra iray teo amin'ny ondry vitsy izy, vitsy fotsiny. Saingy tonga ny bera iray indray andro ka naka an'io ondry kely anankiray io sy nitondra azy, ary mety ho laniny tanteraka izany (tahaka ny mety hihinan'an'ny homamiadana ny vatana iray), na liona goavana iray. Saingy i Davida, tsy nampitaovana tsara loatra tamin'ny—ny basy iray, na, mpitana sabatra, fa niaraka tamin'ny antsamotady iray fotsiny ihany, nanenjika an'io ondry io izy. Ary rehefa hitany ilay—ilay biby izay saiky hamono an'ilay ondry kely, dia novonoiny tamin'ilay antsamotady izy. Fiadiana kely iray fotsiny niaraka tamin'ny singana hoditra sy tady iray, ary, nefà nanana fahatokiana an'izany izy.

<sup>77</sup> Tsy manana manam-pahaizana malaza izahay eo anivonay, Tompo. Vahoaka tsotra izahay miaraka amin'ny vavaka tsotra kely, saingy manenjika an'ilay ondrin'ny Ray izahay izao maraina izao. Ilay vehivavy izay nandeha teny an-dàlambe, ory, mifoka sigara, miezaka ny hahita filaminana amin'ny alàlan'ny sigara; ilay lehilahy izay nanimbolo ny vera ka niezaka ny hamerina azy, saingy mihazona azy mafy ilay fahavalô; ilay zazalahy na zazavavy izay niezaka ny hanao ny tsara, izay tsy afaka mahita hery mihitsy hihataka amin'ilay zavatra ratsy; manatona amin'ny Anaran'ny Tompo Jesosy izahay, hitaky an'io ondry io izao maraina izao. Mihaika an'ilay fahavalô izahay;

satria zavatra tsotra iray ilay izy, antsamotady iray, vavaka iray, saingy manatona izahay hitondra an'io anankiray io hiverina ao amin'ny valan'ny Ray, mba ahafahanay manome tatitra ny amin'ireo zavatra izay napetraka teo an-tànanay. Enga anie ny herin'Andriamanitra hahadòna ny finoana ankehitriny, hidina ao am-pon'ny olona, ary enga anie io fanahy very io hiverina izao maraina izao. Enga anie hamotsotra azy ireo fakam-panahin'ity fiainana ity, hamela azy handeha. Ary enga anie izy hahita ny tenany ho voaaro eo ambonin'ny sorok'ilay Mpampianatra, satria tafaverina ho voaaro indray. Mangataka an'izany amin'ny Anaran'i Jesosy izahay. Amena.

<sup>78</sup> Andriamanitra hitahy anareo rehetra. Mandra-pahitako anareo rahampitso, dia haveriko amin-dRahalahy Shakarian ny fotoana. [Elanelana tsy voaraki-peo—Mpand.]

[Mamarana ny ampahany fahatelo Rahalahy Branham—Mpand.]



<sup>79</sup> Ity, izaho—antenaiko fa ianareo dia...fa nahita sitraka betsaka teo imason'Andriamanitra sy teo anatrehanareo aho, mba hino fa hitsangana eto aho mba hiteny aminareo zavatra izay diso. Efa nihoatra ny faha-enina amby dimampolon'ny tsingerintaona nahaterahako aho, indray andro. Tsy Hafatry ny lehilahy antitra iray fotsiny ity. Efa nino an'ity aho hatramin'ny naха-zazalahy kely ahy. Ary raha tsy marina ity, dia izaho no efa olona adalaindrindra izay nananan'Andriamanitra teto an-tany. Nanolotra ny fiainako manontolo ho an'ity Antony ity aho. Ary afaka milaza an'ity amin'ny fahatsoram-po aho: raha nanana fiainana iray alina aho, dia tsy hanova ny hevitro mihitsy.

<sup>80</sup> Ankehitriny, ny fanasitranana dia natao ho an'ny olona rehetra. Tsarovy, ny fanasitranana dia ao anatinareo. Andriamanitra dia nametraka tao amin'ny hazo paiso ny paiso rehetra izay hisy ao anatiny, rehefa namboly an'izany tao amin'ny Saha Izy. Hitanareo, ianareo fotsiny...ilay hazo paiso na hazo paoma, na hazom-boankazo, dia mila mitombo fotsiny, amin'ny fisotroana an'ilay rano ao anatin'ny tany. Ankehitriny ny tsirairay avy aminareo dia manana an'ireo ampahany ireo ao anatinareo, mba hanafaka anareo, satria Andriamanitra izany, hatramin'ny nambolena anareo tao amin'i Kristy tamin'ny alàlan'ny batisa (tsy batisan'ny rano), batisa ara-panahy. Tsy miditra ao amin'i Kristy amin'ny alàlan'ny batisan'ny rano ianareo. Amin'ny alàlan'ny batisa ara-panahy!

<sup>81</sup> Rahampitso tolakandro, raha sitraky ny Tompo, dia hiresaka eo amin'izany aho, *ahoana sy inona* ilay tena fampiharana an'Izany. Hanana an'izany isika amin'ny tolakandro mba tsy hanembatsebanany ny iray amin'ireo fivorianareo.

<sup>82</sup> Ankehitriny jereo, ny tsirairay avy aminareo eto dia mitsangana amin'ny maha-mpino, hitanareo, noho izany dia ao

anatinareo ilay Fiainana izay tao amin'i Kristy. Azo atao izany, raha afaka hahita an'izany fotsiny ianareo!

<sup>83</sup> Raharahan'ny devoly ny mihazona anareo ho tafahitsoka lavitra an'Izany, mihazona anareo ho jamba. Afaka mamela anareo ho jamba fotsiny izy, izay ilay izy, hitanareo, tsy fantatrareo izay halehanareo amin'izay fotoana izay. Ny olona iray izay jamba dia tsy afaka hiteny hoe ho aiza izy, tsy maintsy mitady an'ilay fahalalana avy amin'ny olona iray izay afaka mahita izy. Alohan'ny ahafahantsika mahalala, dia tsy maintsy misy olona miteny amintsika hoe inona ny Fahamarinana.

<sup>84</sup> Fa maty ho anareo Kristy, ary nafindra avy tamin'izao tontolo izao ho ao amin'i Kristy ianareo. Ary ny zavatra rehetra izay ilainareo dia ao anatinareo mihitsy, amin'ny alàlan'ny batisan'ny Fanahy Masina. Tsy marina ve izany? Ankehitriny ny zavatra tokana tokony hataonareo dia ny manomboka misotro avy amin'Izany fotsiny.

<sup>85</sup> Ary arakaraky ny isotroan'ilay hazo, no anombohany mamoaka an'ireo raviny, ireo tsimo-kazony, mamoaka an'ireo voankazony isan-taona. Tsy ao anatin'ny tany ilay voankazo; ao anatin'ny zava-maniry ilay voankazo. Firy no mahazo an'izany, manaova hoe "amena." [Hoy ny fiangonana hoe, "Amena."—Mpand.] Noho izany, hitanareo, ao anatin'ny zava-maniry ilay voankazo, ary ny zava-maniry rehetra dia tsy maintsy misotro avy amin'ny loharanony. Arakaraky ny hilatsahan'ny orana, no anomezany an'io zava-maniry io, ny aina, mba hisotroany. Ary, arakaraky ny isotroany, no itomboany.

<sup>86</sup> Ary mitombo izy mandra-pahatongany eo amin'ny fitsimohana feno, tahaka ny Fiangonana mihitsy, mba hamony ao amin'ity taona ity.

<sup>87</sup> Ary, arakaraky ny isotroantsika, no itomboantsika. Fa raha mandà ny hisotro ilay zava-maniry, amin'izay fotoana izay dia tsy afaka mitombo ilay zava-maniry. Ary raha hino an'izany fotsiny ianareo ankehitriny, isam-batan'olona!

<sup>88</sup> Mazava ho azy, fantatrareo hoe ahoana no ataon'ny Tompo, maneho zavatra samihafa, ny amin'izay nataonareo sy izay tsy tokony nataonareo, sy ny sisa, ao amin'ny favoriana. Nanantena isika fa hilatsaka eo amintsika ny Fanahy Masina izao maraina izao ary hanao an'izany, raha nitsangana isika. Fa nanohy niandry aho.

<sup>89</sup> Heveriko fa izany ilay ampahany mampikorontan-tsaina, ny mieritreritra fa ao ambany ao dia mila antsika hivoaka eto izy ireo, hitanareo. Fa miandry antsika izy ireo; tara isika ankehitriny.

<sup>90</sup> Fa minoa an'ity, amin'ny fonareo rehetra. Minoa azafady. Raha izaho—raha nahita sitraka teo imasonareo aho, amin'ny maha-olona iray mahatoky tanteraka, dia minoa an'ity.

Ankehitriny apetraho ny tānanareo eo—eo amin'ny tsirairay hafa.

<sup>91</sup> Ankehitriny jereo, ankehitriny, tsy nilaza ny Baiboly hoe, “Izao famantarana izao no hanaraka an’i William Branham.” Tsy nilaza hoe, “Izany dia hanaraka an’i Oral Roberts irery ihany.” Tsy nilaza hoe, “Izany dia hanaraka an-dRahalahy Kopp,” na olona iray.

<sup>92</sup> “Izao famantarana izao no hanaraka an’ireo,” maro, “izay mino. Raha mametraka ny tānany amin’ny marary izy ireo, dia ho sitrana ireny.” Izany dia io herin’Andriamanitra izay ao anatinareo io, izay mitondra an’ilay Fiainana ho an’ilay olona izay ametrahanareo ny tānanareo, ilay loharano manome-Fiainana an’ny Fanahy Masina.

<sup>93</sup> Andriamanitra malala, amin’ny Anaran’i Jesosy Kristy, ao amin’ity fotoana lehibe izay ny fiangonana . . . enga anie izy ireo hitsangana amin’ity segondra ity, tsy misy fikorontanan-tsaina, ary enga anie ilay Hery izay nanganana an’i Kristy avy tao am-pasana, hamelombelona amin’izy ireo ny Fahamarinan’ny Filazantsara izao ankehitriny izao, hoe ny fanirahan’i Jesosy dia, raha izy ireo “no mametra-tānana amin’ny marary, dia ho sitrana ireny.” Enga anie ny herin-demony rehetra, ny aretina rehetra, ny faharariana rehetra, ny fahorianana rehetra, ny zavatra mampijaly rehetra izay nitranga teo amin’ny olona, enga anie izany hiala izao ankehitriny izao amin’ny alàlan’ny finoana. Amin’ny maha-vahoaka mino, dia mangataka an’izany amin’ny Anaran’i Jesosy Kristy izahay. Amena.

<sup>94</sup> Ankehitriny atsangano ny tānanareo ka omeo Azy ny dera, raha mino ianareo fa manao an’izany Izy.

<sup>95</sup> Andriamanitra malala, ho faty ity zazakely ity, Tompo, raha tsy vita izany. Manameloka an’ilay fivontosana aho, amin’ny Anaran’i Jesosy Kristy. Enga anie izany hiala amin’ilay ankizy tsy manan-tsiny. Amena.

Ankehitriny, efa nanandrana ireo dokotera, fa tsy nahomby izy ireo. Minoa fotsiny.



*ANANKIRAY AMIN'NY IRAY TAPITRISA* MAG65-0424  
(One In A Million)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Sabotsy maraina, 24 Aprily 1965, ho an'ny sakafo marainan'ny Full Gospel Business Men's Fellowship International tao amin'ny Clifton's Cafeteria ao Los Angeles, California, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)